

ხელშეკრულება N92

4 აგვისტო 2017 წელი

ქ. თბილისი

ერთი მხრივ, სსიპ „ვეტერანების საქმეთა სახელმწიფო სამსახური“ (შემდგომში „შემსყიდველი“), წარმოდგენილი დირექტორის მოადგილის მირონ ჩიგოგიძის სახით და მეორეს მხრივ შპს „ნიუ ენჯინირინგ“ მისი დირექტორის ზურაბ მამალაძის სახით (შემდგომში „მიმწოდებელი“), ორივე ერთად წოდებული როგორც „მხარეები“, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის საფუძველზე, ვდებთ წინამდებარე ხელშეკრულებას (შემდგომში „ხელშეკრულება“) შემდეგზე:

1. ხელშეკრულების საგანი და შესყიდვის ობიექტი

- 1.1. ხელშეკრულების საგანია სსიპ „ვეტერანების საქმეთა სახელმწიფო სამსახურის“ მიერ, 2017 წლის სახელმწიფო ბიუჯეტიდან სსიპ „ვეტერანების საქმეთა სახელმწიფო სამსახურისთვის“ გამოყოფილი ასიგნებების ფარგლებში, არქიტექტურულ დაპროექტებასთან დაკავშირებული მომსახურებების (CPV 71220000) შესყიდვა.
- 1.2. შესყიდვის ობიექტია ჰოსპიტალის განსათავსების მიზნით ქალაქ თბილისში, კედის ქუჩა N7-ში არსებული შენობის რეკონსტრუქციის, კაპიტალური შეკეთებისა და გარე ლიფტის მიშენებისთვის საჭირო არქიტექტურულ დაპროექტებასთან დაკავშირებული მომსახურებები.

2. ხელშეკრულების ღირებულება

- 2.1. ხელშეკრულების ღირებულება განისაზღვრება ეროვნულ ვალუტაში.
- 2.2. ხელშეკრულების საერთო ღირებულება შეადგენს 3700 (სამი ათას შვიდასი) ლარს დღგ-ს გათვალისწინებით.
- 2.3. ხელშეკრულების ღირებულება მოიცავს მიმწოდებლის ყველა ხარჯს, დაკავშირებულს მომსახურების გაწევასთან, მათ შორის, საქართველოს კანონმდებლობით გათვალისწინებულ ყველა გადასახადს.

3. შესყიდვის ობიექტის ხარისხი

- 3.1. მიმწოდებელი იღებს ვალდებულებას მომსახურება განახორციელოს ჯეროვნად და კეთილსინდისიერად, რომ მის მიერ განხორციელებული მომსახურება არ გამოავლენს ხარვეზს და დააკმაყოფილებს შემსყიდველის მოთხოვნებს.
- 3.2. მომსახურებაში ხარვეზის გამოვლენის შემთხვევაში, მიმწოდებელი ვალდებულია დაუყოვნებლივ, საკუთარი სახსრებით აღმოფხვრას ხარვეზი.

3. მომსახურების გაწევის პირობები

- 4.1. „მიმწოდებელი“ ვალდებულია გაუწიოს „შემსყიდველს“ ხელშეკრულებით გათვალისწინებული მომსახურება ხელშეკრულების გაფორმებიდან 2017 წლის 25 სექტემბრამდე.

5. ხელშეკრულების შესრულების კონტროლი

- 5.1. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სსიპ „ვეტერანების საქმეთა სახელმწიფო სამსახურის“ ლოგისტიკის დეპარტამენტის მატერიალურ-ტექნიკური უზრუნველყოფის განყოფილების უფროსი ლევან შანიძე.

6. შესყიდვის ობიექტის მიღება-ჩაბარება და ანგარიშსწორება

- 6.1. მიღება-ჩაბარება განხორციელდება ფაქტიურად განხორციელებული მომსახურების შესაბამისად, წინამდებარე ხელშეკრულებით განსაზღვრული ხელშეკრულების შესრულების კონტროლის განმახორციელებელი პირის მიერ მომზადებული დასკვნის საფუძველზე, მხარეთა შორის გაფორმებული მიღება-ჩაბარების აქტით. მიღება-ჩაბარების აქტი გაფორმდება არქიტექტურული ნაწილის სრული საპროექტო დოკუმენტაციის 3 (სამი) ეგზემპლარად, მაღალი გარჩევადობის ნაბეჭდი მასალის (ალბომის) სახით, ასევე ელექტრონულად CD დისკზე ჩაწერილი PDF და DWG ფაილების სახით წარმოდგენის საფუძველზე.
- 6.2. შემსყიდველის მხრიდან მიღება-ჩაბარების აქტის ხელმოწერაზე უფლებამოსილია სსიპ „ვეტერანების საქმეთა სახელმწიფო სამსახურის“ ლოგისტიკის დეპარტამენტის უფროსი მამუკა კვირიკაშვილი.

6.3. მიღება-ჩაბარების აქტი დგება სამ ეგზემპლარად, რომელთაგან ორი გადაეცემა შემსყიდველს, ხოლო ერთი - მიმწოდებელს.

6.4. მიმწოდებელთან ანგარიშსწორება განხორციელდება უნაღდო ანგარიშსწორებით, ეროვნულ ვალუტაში - ლარში, მხარეთა შორის მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის ვადაში.

7. მხარეთა უფლება-ვალდებულებები

7.1. შემსყიდველის უფლება-ვალდებულება

7.1.1. შემსყიდველს უფლება აქვს, მოსთხოვოს მიმწოდებელს მომსახურების შეუფერხებელი განხორციელება, წინამდებარე ხელშეკრულებით გათვალისწინებული ვალდებულებების შესრულება.

7.1.2. შემსყიდველს უფლება აქვს, შეამოწმოს განხორციელებული მომსახურების ხარისხი და მოსთხოვოს მიმწოდებელს ხარვეზის დაუყოვნებლივ აღმოფხვრა.

7.1.3. შემსყიდველი ვალდებულია აუნაზღაუროს მიმწოდებელს მის მიერ ხელშეკრულებით გათვალისწინებული პირობების დაცვით განხორციელებული მომსახურების ღირებულება ამ ხელშეკრულებით გათვალისწინებული პირობების შესაბამისად.

7.2. მიმწოდებლის უფლება-ვალდებულება

7.2.1. მიმწოდებელი ვალდებულია შემსყიდველის მოთხოვნისთანავე დაუყოვნებლივ, საკუთარი ხარჯებით აღმოფხვრას განხორციელებულ მომსახურებაში არსებული ხარვეზი.

7.2.2. სამშენებლო სამუშაოების შესყიდვის პროცედურების მიმდინარეობისას, მიმწოდებელი აქტიურად უნდა ჩაებას სატენდერო დოკუმენტაციის ტექნიკური ნაწილის მომზადებაში და საჭიროების შემთხვევაში, შესყიდვის პროცედურის მსვლელობისას, სატენდერო კომისიას მიაწოდოს ახსნა-განმარტებები და რეკომენდაციები ტექნიკურ საკითხებთან დაკავშირებით.

7.2.3. განახორციელოს საავტორო ზედამხედველობა სამშენებლო სამუშაოების მიმდინარეობის პერიოდში, რაც მოიცავს შემდეგს:

- სამშენებლო პროცესების გეგმიურ და არაგეგმიურ ინსპექტირებას. გეგმიური ინსპექტირება უნდა ჩატარდეს მინიმუმ 10 დღეში ერთხელ, ხოლო არაგეგმიური ინსპექტირება ტარდება დამკვეთის (ან სხვა დაინტერესებული მხარის) მოთხოვნით;

- საავტორო ზედამხედველობის განხორციელებისას, ზედამხედველი ვალდებულია სამუშაოების პროცესში აღმოჩენილი საპროექტო დოკუმენტაციასთან ყველა შეუსაბამობა და უზუსტობა დააფიქსიროს და დაუყოვნებლივ აცნობოს შემსყიდველს;

- რეკომენდაციების და სპეციალური ტექნიკური დახმარების გაწევა სამუშაოების მიღება-ჩაბარების პროცესში.

7.2.4. მიმწოდებელი ვალდებულია სრულად და ჯეროვნად შეასრულოს წინამდებარე ხელშეკრულებით ნაკისრი ვალდებულებები.

7.2.5. მიმწოდებელს უფლება აქვს მოსთხოვოს შემსყიდველს წინამდებარე ხელშეკრულების შესაბამისად და დადგენილი წესით განხორციელებული მომსახურების ღირებულების ანაზღაურება.

8. ხელშეკრულების პირობების შეუსრულებლობა

8.1. მიმწოდებლის მიერ სახელშეკრულებო ვალდებულებების შეუსრულებლობის ან არაჯეროვნად შესრულების შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 0,02 %-ის ოდენობით.

9. ხელშეკრულების მოქმედების ვადა

9.1. წინამდებარე ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2017 წლის 31 დეკემბრის ჩათვლით. ამასთან, ხელშეკრულების მოქმედების ვადის ამოწურვა მხარეებს არ ათავისუფლებს წინამდებარე ხელშეკრულებით გათვალისწინებული ვალდებულებების შესრულებისგან.

10. ფორს-მაჟორი

10.1. წინამდებარე ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შესრულებლობის ან არაჯეროვნად შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წამოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ წინამდებარე ხელშეკრულების დადების მომენტში არ შეეძლოთ სცოდნოდათ.

10.2. გადაულახავ ძალად ჩაითვლება შემდეგი (და არა მხოლოდ):

10.2.1. სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);

10.2.2. ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა;

10.2.3. ეპიდემიები;

10.2.4. ბლოკადა ან ნებისმიერი ეკონომიკური ემბარგო;

10.2.5. ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება და ისეთი ნორმატიული აქტების გამოცემა, რომლებიც ზემოქმედებენ მხარეების მიერ ხელშეკრულებით ნაკისრი ვალდებულებების შესრულებაზე და ცვლიან, წყვეტენ ან აჩერებენ წინამდებარე ხელშეკრულების დებულებებსა და პირობებს.

10.3. ფორს-მაჟორული მოვლენა დადასტურებული უნდა იქნას კომპეტენტური ორგანოს მიერ.

10.4. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებებით (ტელეფონი, ფოსტა, ფაქსი, ელექტრონული ფოსტა, კურიერი და სხვა) და წარუდგინოს კომპეტენტური ორგანოს მიერ გაცემული, აღნიშნული გარემოების არსებობისა და ხანგრძლივობის დამადასტურებელი ცნობა.

10.5. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას, გარდა იმ შემთხვევისა როდესაც შემსყიდველს დაეკარგა ინტერესი ამ შესრულებაზე.

11. დავები და მათი გადაწყვეტის წესი

11.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

11.2. შეთანხმების მიუღწევლობის შემთხვევაში მხარეებს უფლება აქვთ მიმართონ სასამართლოს საქართველოს კანონმდებლობის შესაბამისად.

12. ხელშეკრულების პირობების გადასინჯვის შესაძლებლობა და ცვლილების შეტანა

12.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

12.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

12.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით.

13. ხელშეკრულების სხვა პირობები

13.1. ხელშეკრულება დადებულია და განიმარტება საქართველოს კანონმდებლობის შესაბამისად.

13.2. მხარეები აუნაზღაურებენ ერთმანეთს მიყენებულ ზიანს საქართველოს კანონმდებლობის შესაბამისად.

13.3. მიმწოდებელს არა აქვს უფლება გადასცეს მესამე პირს თავისი უფლებები და მოვალეობები, შემსყიდველის წერილობითი თანხმობის გარეშე.

13.4. შემსყიდველი იტოვებს უფლებას, შეწყვიტოს ხელშეკრულება, თუ ის წერილობით შეატყობინებს მიმწოდებელს ამის შესახებ.

- 13.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.
- 13.6. ყველა ის შემთხვევა და პირობა, რომელიც გათვალისწინებული არ არის წინამდებარე ხელშეკრულებით, განიხილება და გადაწყდება საქართველოს მოქმედი კანონმდებლობის შესაბამისად.
- 13.7. წინამდებარე ხელშეკრულების ყველა პირობა და დებულება ვრცელდება და სავალდებულოა მხარეთა უფლებამონაცვლეთათვის (სამართალმემკვიდრეთათვის).
- 13.8. წინამდებარე ხელშეკრულების ყველა დამატება, ცვლილება და შესწორების ყველა დანართი წარმოადგენს წინამდებარე ხელშეკრულების განუყოფელ ნაწილს.
- 13.9. მოქმედი კანონმდებლობის ცვლილება, რომელიც ცვლის ან აუქმებს წინამდებარე ხელშეკრულების რომელიმე დებულებას, არ იწვევს მთლიანად ხელშეკრულების გაუქმებას.
- 13.10. მხარეებს შეუძლიათ, ურთიერთშეთანხმების საფუძველზე ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.
- 13.11. შემსყიდველს უფლება აქვს, ცალმხრივად შეწყვიტოს ხელშეკრულება მისი მოქმედების ნებისმიერ ეტაპზე, ან უარი განაცხადოს ხელშეკრულებით ნაკისრი ვალდებულებების შესრულებაზე, თუ მიმწოდებელი არ ასრულებს ამ ხელშეკრულებით მასზე დაკისრებულ მოვალეობას.
- 13.12. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება მხარეებთან (ორი ეგზემპლარი - „შემსყიდველთან“, ერთი ეგზემპლარი - „მიმწოდებელთან“). ამ ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14. მხარეთა იურიდიული მისამართები და რეკვიზიტები

შემსყიდველი

სსიპ „ვეტერანების აქმეთა სახელმწიფო სამსახური“
 ქ. თბილისი, ვ. გორგასლის N89
 ს/კ 205 309 637
 სახელმწიფო ხაზინა
 TRESGE22
 ხაზინის ერთიანი ანგარიში

მირონ ჩიგოგიძე
 დირექტორის მოადგილე

მიმწოდებელი

შპს: „ნიუ ენჯინირინგ“
 მისამართი: ქ.თბილისი, დიდი ლილო, ლილოს
 ადმინისტრაციული შენობა.
 ს/ს ტერაბანკი
 ა/ა GE29KS0000000004181674
 ს/კ 206346051
 საკონტაქტო ტელეფონები 577555870

ზურაბ მამალაძე
 დირექტორი



ხელწერილი
ინტერესთა კონფლიქტის არარსებობის შესახებ

4 აგვისტო 2017 წ

ქ.თბილისი

ქვემოთ ხელისმწერით ვადასტურებ, რომ შპს „ნიუ ენჯინირინგ“-ის მიმართ სრულად ვაკმაყოფილებ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს.

სსიპ „ვეტერანების საქმეთა სახელმწიფო სამსახურის“

სსიპ „ვეტერანების საქმეთა სახელმწიფო სამსახურის“
დირექტორის მოადგილე

მირონ ჩიგოგიძე

სსიპ „ვეტერანების საქმეთა სახელმწიფო სამსახურის“
ლოგისტიკის დეპარტამენტის უფროსი

მამუკა კვიციანი

სსიპ „ვეტერანების საქმეთა სახელმწიფო სამსახურის“
ლოგისტიკის დეპარტამენტის მატერიალურ-ტექნიკური
უზრუნველყოფის განყოფილების უფროსი

ლევან შანიძე

სსიპ „ვეტერანების საქმეთა სახელმწიფო სამსახურის“
ეკონომიკური დეპარტამენტის სახელმწიფო შესყიდვების
განყოფილების მთავარი სპეციალისტი

გიორგი პატარქალაშვილი